

Ընդունված է՝

ԵՊՀ ԳԻՏԱԿԱՆ ԽՈՐՀՐԴԻ ԿՈՂՄԻՑ

«21» հունիսի, 2001 թ.

ԵՊՀ ռեկտոր, ակադեմիկոս՝ Ռ. Մարտիրոսյան

Գիտ. քարտուղար՝ Յ. Ավետիսյան

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ
ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ
Կ Ա Ն Ո Ն Ա Դ Ր Ո Ւ Թ Յ Ո Ւ Ն

1. Ընդհանուր դրույթներ

1.1. ԵՊՀ ուսանողական գիտական ընկերությունը (այսուհետ՝ ընկերություն) ԵՊՀ ուսանողներին և ասպիրանտներին միավորող համալսարանական ստորաբաժանում է, որի նպատակն է՝ նպաստել ուսանողության գիտական, ստեղծագործական և հոգևոր զարգացմանը:

1.2. Ընկերությունը գործում է ԵՊՀ կանոնադրության և սույն կանոնադրության հիման վրա:

1.3. Ընկերության կանոնադրությունը և նրա մեջ կատարվող փոփոխությունները հաստատվում են ԵՊՀ գիտական խորհրդի կողմից՝ ուսանողական բաժնի ներկայացմամբ:

1.4. Ընկերությունը, սահմանված կարգով, կարող է ունենալ կլոր կնիք, անկյունային դրոշմ, պաշտոնաթուղթ:

1.5. Ընկերությունն իր հարաբերությունները ԵՊՀ ղեկավար մարմինների հետ կարգավորում է ԵՊՀ կանոնադրությամբ, սույն կանոնադրությամբ և ԵՊՀ գիտական խորհրդի համապատասխան որոշումներով:

1.6. Ընկերությունն իր նպատակների և խնդիրների լուծման, երկարաժամկետ ծրագրերի իրականացման համար համագործակցում է Ուսումնական վարչության, Ուսանողների հետ տարվող աշխատանքների բաժնի, Միացյալ արհմիության, Ուսումնական խորհրդի և այլ կազմակերպությունների հետ՝ ելնելով փոխօգնության, փոխշահավետության սկզբունքներից և համապատասխան պայմանագրերից ու համաձայնագրերից:

1.7. Ընկերության անվանումն է ռուսերեն՝ Студенческое научное общество, անգլերեն՝ Student Scientific Society: Իսկ կարճ անվանումները հայերեն՝ ՈՒԳԸ, ռուսերեն՝ СНО, անգլերեն՝ SSS:

2. ԸՆԿԵՐՈՒՅՅԱՆ ՆՎԱՏԱԿԸ ՈՒ ԽՆՂԻՐՆԵՐԸ

2.1. Ընկերության նպատակն է՝ նպաստել ուսանողության գիտական, ստեղծագործական և հոգևոր զարգացմանը:

2.2. Ընկերության խնդիրներն ու գործունեության հիմնական ուղղություններն են.

- գիտական և կրթական ոլորտներում ուսանողության նախաձեռնությունների սատարում և իրականացում,
- ուսանողական գիտաժողովների, կոնֆերանսների, սեմինարների, գիտահանրամատչելի դասախոսությունների և այլ գիտական և կրթական ուղղվածություն ունեցող միջոցառումների կազմակերպում՝ դրանցում ընդգրկելով նաև արտահամալսարանական գիտական ներուժը,
- համալսարանական երիտասարդական գիտական ներուժի նպատակաուղղված օգտագործում և դրա մասին ինֆորմացիայի համակարգում,
- համակողմանի աջակցության ապահովում շնորհաշատ ուսանողներին և ասպիրանտներին,
- գիտական խմբերում և տարբեր գիտական խրագրերում ուսանողների ընդգրկում,
- ուսանողների գիտական աշխատանքների և այլ նյութերի հրատարակում,
- այլ գիտական կենտրոնների հետ կապի հաստատում և տեղեկատվության փոխանակում:

3. ԸՆԿԵՐՈՒՅՅԱՆ ԿԱՌՈՍՎԱԾՔԸ և ՂԵԿԱՎԱՐ ՄԱՐՄԻՆՆԵՐԸ

Ա. ՖԱԿՈՒԼՏԵՏԱՅԻՆ ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅՈՒՆՆԵՐԸ

3.1. Ընկերության կառուցվածքային սկզբնական օղակները ֆակուլտետային ուսանողական գիտական ընկություններն են, որոնք ձևավորվում են ամբիոնների երաշխավորությամբ ներկայացված առնվազն երկու ուսանողներից կամ ասպիրանտներից: Ֆակուլտետի ՈՒԳԸ-ն մշակում և իրականացնում է ծրագրեր, որոնք ուղղված են ՈՒԳԸ կանոնադրական նպատակների և խնդիրների իրականացմանը:

3.2. Ֆակուլտետի ՈՒԳԸ առաջադրմամբ ֆակուլտետի խորհուրդը հաստատում է ֆակուլտետի ՈՒԳԸ նախագահի, քարտուղարի թեկնածությունները, որոնք կազմակերպում են ֆակուլտետի ՈՒԳԸ աշխատանքները, համակարգում են նրա հանձնախմբերի աշխատանքները, ներկայացնում ֆակուլտետի ՈՒԳԸ-ն և նրա ծրագրերը համալսարանի ՈՒԳԸ գիտական խորհրդում:

3.3. Ֆակուլտետի ՈՒԳԸ նիստերը հրավիրվում են առնվազն ամիսը 1 անգամ: Նիստերը հրավիրվում են նախագահի կողմից կամ անդամների 1/3-ի պահանջով: Նիստն օրինական է, եթե նրան մասնակցում են անդամների ավելի քան 1/2-ը, իսկ որոշումներն ընդունվում են անդամների ընդհանուր թվի պարզ մեծամասնությամբ: Ֆակուլտետի ՈՒԳԸ-ն կարող է մշակել իր կանոնակարգը և սահմանել սույն կանոնադրությամբ չհակասող այլ կառուցվածքային միավորներ:

3.4. Ֆակուլտետի ՈՒԳԸ նախագահը հանդիսանում է ֆակուլտետի խորհրդի անդամ, ԵՊՀ ՈՒԳԸ գիտական խորհրդի անդամ:

3.5. Ֆակուլտետի ՈՒԳԸ-ն կարող է կյանքի կոչել տարբեր և բազմաբնույթ ակումբներ, որոնց կազմում կարող են ընդգրկվել ֆակուլտետի այլ ուսանողներ ևս:

Բ. ՀԱՄԱԼՍԱՐԱՆԻ ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅՈՒՆ

3.6. ԵՊՀ ուսանողական գիտական ընկերության ղեկավար մարմինը Ուսանողական գիտական ընկերության Գիտական Խորհուրդն է, որի նիստը գումարվում է ուսումնական կիսամյակում ոչ պակաս, քան երկու անգամ:

3.7. ՈՒԳԸ գիտական խորհուրդի կազմի մեջ մտնում են ՈՒԳԸ նախագահը, նախագահի տեղակալը, քարտուղարը, ֆակուլտետային ՈՒԳԸ-ների նախագահները:

3.8. ՈՒԳԸ գիտական խորհուրդը՝

- քննարկում և որոշում է ՈՒԳԸ գործունեության կարևորագույն ուղղությունները, միջոցներ է ձեռնարկում որոշումների իրականացման համար,
- առաջարկներ է ներկայացնում ԵՊՀ գիտական խորհրդին, Ուսանողական բաժնին,
- ի գիտություն է ընդունում ՈՒԳԸ նախագահի տարեկան հաշվետվությունը,
- մշակում է ընկերության ընթացիկ և հեռանկարային ծրագրերը, հաստատում է և կորդինացնում ֆակուլտետային ՈՒԳԸ-ների աշխատանքները և ծրագրերը,
- հաստատում է իր աշխատակարգը,
- ստեղծում, վերակազմավորում և լուծարում է ՈՒԳԸ՝ սույն կանոնադրությամբ չսահմանված աշխատանքային օղակներ, ինչպես նաև հաստատում է նրանց կազմը և աշխատակարգը, ընդ որում՝ նրանց կարող է լիազորել իր իրավասությանը վերաբերող որոշ հարցերի լուծման իրավունք,
- որոշում է ընդունում շնորհել Ընկերության պատվավոր անդամի կոչում և կանոնակարգում է ընկերության անդամությանը վերաբերվող այլ հարցեր,
- վավերացնում է ընկերության անունից կնքած պայմանագրերն ու համաձայնագրերը,

3.9. ԵՊՀ ՈՒԳԸ գիտական խորհրդի նիստն օրինական է, եթե նրան մասնակցում են անդամների ընդհանուր թվի ավելի քան 1/2-ը: Որոշումներն ընդունվում են ընդհանուր թվի պարզ մեծամասնությամբ: Գիտական խորհրդի արտահերթ նիստ կարող է հրավիրվել ՈՒԳԸ նախագահի կամ Գիտական խորհրդի անդամների 1/3-ի պահանջով:

Գ. ԳԻՏԱԿԱՆ ԽՈՐՀՐԴԻ ԱՆԴԱՄՆԵՐԸ

3.10. Ուսանողական գիտական ընկերության նախագահը հաստատվում է ԵՊՀ գիտական խորհրդի կողմից, երեք տարի ժամանակով՝ ԵՊՀ ռեկտորի ներկայացմամբ,

3.11. Նախագահի տեղակալին և քարտուղարին, մեկամսյա ժամանակահատվածում, ԵՊՀ ռեկտորատի հաստատմանն է ներկայացնում ՈՒԳԸ նախագահը՝ Ուսանողական բաժնի երաշխավորությամբ,

3.12. ՈՒԳԸ-ը նախագահն ի պաշտոնե հանդիսանում է ԵՊՀ գիտական խորհրդի անդամ,

3.13. ՈՒԳԸ գիտական խորհրդի անդամներ են հանդիսանում ֆակուլտետային ՈՒԳԸ նախագահները,

3.14. Ընկերության նախագահն ի պաշտոնե ներկայացնում է Ընկերությունը, համակարգում է Ընկերության գիտական խորհրդի գործունեությունը, ապահովում է ընկերության կառուցվածքային միավորների համագործակցությունը, տալիս է լիազորագրեր, Ընկերության անունից կնքում է պայմանագրեր և համաձայնագրեր:

3.15. ՈՒԳԸ նախագահը տարեկան հաշվետվությամբ հանդես է գալիս ԵՊՀ գիտական խորհրդում:

3.16. Ընկերության նախագահի տեղակալը նախագահի բացակայության դեպքում ստանձնում է նրա լիազորությունները, համակարգում է քարտուղարության աշխատանքները և ՈւՖԸ գիտական խորհրդի կողմից ստեղծված աշխատանքային օղակների գործունեությունը, հանդես է գալիս կատարած աշխատանքների մասին հաղորդմամբ:

3.17. Ընկերության քարտուղարը ղեկավարում է քարտուղարության աշխատանքները՝ առաջնորդվելով ՈւՖԸ գիտական խորհրդի աշխատակարգով:

4. Ընկերության միջոցները և դրանց օգտագործման կարգը

4.1. Ընկերության միջոցները գոյանում են ԵՊՀ բյուջեից կատարվող մասհանումներից, հովանավորների կողմից կատարվող հատկացումներից, ԵՊՀ օրինադրությամբ և ՀՀ օրենսդրությամբ չարգելված այլ աղբյուրներից:

4.2. Ընկերությունը անվճար, համաձայն սահմանված կարգի, օգտվում է ԵՊՀ տարածքային, գույքային, տեխնիկական և այլ միջոցներից:

4.3. Ընկերության միջոցները օգտագործվում են կանոնադրական նպատակների և խնդիրների իրականացման համար:

5. Ընկերության գործունեության դադարեցման կարգը

5.1. Ընկերությունն իր գործունեությունը դադարեցնում է ԵՊՀ գիտական խորհրդի որոշմամբ կամ ՀՀ օրենսդրությամբ սահմանված կարգով:

5.2. Ընկերության լուծարումից հետո նրա ամբողջ գույքը և միջոցները պատկանում են Երևանի պետական համալսարանին:

Ընկերության հասցեն՝
Հայաստանի Հանրապետություն,
375025, ք. Երևան, Ալեք Մանուկյան 1,
Երևանի պետական համալսարան